

Factum pour Maistre Pierre Guerry Chanoine en l'Eglise de sainte Radegonde de Poictiers deffendeur.

Contre Maistre Jacob Maison-dieu, Mathurin, Simon & André Magaud demandeurs.

LA prebende contentieuse entre lesdictes partyes, á vacqué le 8. Iuillet 1616. par le deceds de Maistre Pierre Piuert & fut en la disposition de Maistre Pierre Bartheau Chanoine en icelle Eglise sainte Radegonde qui presenta Maistre Iean Guerry qui en fut pourueu comme gradué nommé & iouyt d'icelle paisiblement iusques en 1612.

Il est vray que Maistre Ioachim Chappeau obtient en Cour de Rome vne Prouision sur vne pretendue procuration dudit Iehan Guerry contre laquelle s'estât ledict Iehan Guerry inscript en faux il fut par arrest de la Cour 1612. Reintegré en ladicte Prebende, avec restitution des fruiets contre ledict Chappeau qu'il auoit abusiuement depossédé.

Est a remarquer que ladite instance de faux, bien que plaine-ment deslors instruiete contre ledict Chappeau & complices, n'est pas iugée, ny les despens, dommages & interests requis par ledict Iean Guerry, lequel continue sa poursuite dudit faux contre tous les accusés.

Peu de temps apres ledit Iehan Guerry resigne ladite prebende en faueur de Maistre Iacques Guerry son cousin Clerc du diocese de Poictiers qui sur icelle obtient prouision du Pape en vertu desquelles prend possession se faict receuoir & installer en icelle par ledit Prieur Chanoines & Chappitre de ladite Eglise qui le reçoient sans aucune opposition *in fratrem canonicum* ce que le Conseil remarquera s'il luy plaist par ce que ledit Maisondieu dict contre verité qu'il n'a pris possession de ladite prebende ny ne s'est faict installer en icelle: & partant ne l'ayanta acceptee ledict Iehan son resignant est tousiours demeuré possesseur.



Or en 1614. ledit Maistre Iehan Guerry resignant dudit Iacques pretendant cōme gradué nommé, vne prebēde de saint Hilaire de Poiſſiees cōtre Maistre Hilaire Moriceau, iceluy Moriceau se seroit rendu partye en faulx contre les lettres de degres & faict prendre vn deuolut par ledit Maisondieu sur la prebende par luy resignee audit Iacques son cousin qui deslors estoit receu en icelle : ce qui est remarquable s'il plaist au Conseil.

Ledit Maisondieu ayant obtenu sa prouision prend possession au mois de Feburier 1615. & voyant ledit Iacques Guerry possesseur de ladite prebende, ne l'attaqua point ny son resignant & sur lequel il auoit obtenu son deuolut, ains delaise sa prouision comme inutile.

Ledit Iacques Guerry plus que triennal paisible possesseur de ladite prebende, passe Procuration pour resigner icelle entre les mains de l'ordinaire le 20 Feburier 1616 qui (ledit iour) en pourueut ledit Pierre Guerry.

Quatre iours apres ledit Iacques estant decedde, ledit Chappitre à la ppursuite des ennemis dudit Guerry auroit donne Prouision par le deceds dudit Iacques à Maistre Andre Magaud, lequel moyennant certaines promesses illicites auroit esté receu par ledit Chappitre nonobstant l'opposition dudit Pierre Guerry auquel quatre iours auparauant il auroit baillé prouision comme il apert par sa production.

Quoy voyant ledit Simon, auroit aussi pretendu comme indultaire ladicte prebende & faict conuenir toutes les parties au Conseil, mesmement ledit Maisondieu qui n'y pensoit plus, & ledit Chappeau qui ne pretendoit aucune chose en ladite prebende depuis 1612. comme dit est, & comme il a declare au Conseil.

Or pendant tout ce temps, ledit Iehan Guerry perdant son proces au mois de Ianuier dernier contre ledit Moriceau, seldictes lettres de degres ont esté declarees nulles, pour n'auoir estudié en Philosophie au temps porté par son certificat, mais non pas faul-

les, comme met en auant ledict Maisondieu, & qui sur ce veut fonder tout son droit.

Il a esté dict cy dessus, que ledict Iehan Guerry poursuiuoit tousiours ledict Chappeau & complices pour la faulseté par eux commise, & pour auoir condamnation de ses despens dommages & interestz reseruez par l'Arrest dn 1612. cōme dict est cy des- & pour faire casser & supprimer vne promesse de luy extorquee par Maistre Pierre Bartheau.

Et de faict arrest fut donné en Feburier dernier portant que la procutation de laquelle s'estoit aydé ledit Chappeau est declarée faulse, & que la promesse sera cassée à cause de laquelle on a faict perdre les despens, dommages, & interestz audit I. Guerry qui auoit faict faire ledit procé de faulx, & par ledit arrest la prebende de laquelle auoit esté pourueu ledit I. Guerry est declarée vaccante.

Or ledit Maisondieu voyant ces deux arrests, & croyant qu'il luy donnent grand aduantage faict naistre son deuolu pris sur ledit I. Guerry des 1614. mais il s'abuse grandement.

Et pour le monstrier par ledit Pierre Guerry, il supplie le Conseil uoir ses contredicts fourniz contre la production dudit Maisondieu, par ce premier arrest les lettres de degrez dudit Iean sont declarées nulles: mais non pas faulses comme dict Maisondieu, ny pour raison de ceste prebende, par ledit Iean resignée plus de deux ans auant qu'il fut attaqué: pour raison desdites lettres, & lors qu'ils estoit libre possesseur il y auoit six ans, si que il auoit vn titre à tout le moins ~~alors~~ que si vn accusé peut valablement resigner à plus iuste raison vn possesseur paisible comme estoit lors ledit I. Guerry & qui estoit maintenu par arrest. Et ainsi est absurde de dire par ledit Maisondieu que le Iean n'a peu resigner qui n'a esté condamné comme faulx, aussi n'a il faict de faulceté comme faulcement dict ledit Maisondieu, recours à l'arrest.

Quand au dernier arrest par lequel il pretend iustifier que la resignation dudit Iean faicte audit Iacques en 1612. n'a lor ty effect,

& qu'il ne la acceptée, le contraire se void par la prouision & acte de reception & resignation dudit Iacques produictes par ledict Pierre Guerry: & ainsi se veoit vne pure supposition: aussi bien que dire par ledit Maisondieu que ledit Iean a tousiours possédé & contesté ladite prebende avec ledit Chappeau, car s'il peut iustifier que ledit I. Guerry aye possédé ladite prebende depuis la reception dudit Iacques, & que ledit Chappeau l'aye disputée ne pretendu aucun droit depuis l'an 1612. ledit Pierre Guerry quitte des à present la cause.

Et bien que par cest arrest la Cour aye déclaré ladite prebende vaccante en la personne dudit I. Guerry, elle n'a vacqué parce qu'il n'y auoit & n'y pretendoit aucune chose au moyen de ladite resignation faicte en 1612. ce qui n'estoit pas cogneu à la Cour, ains elle voyoit le contraire par le procès, d'autant qu'il estoit instruit des ladite année 1612. en qualité de Chanoine par ledict I. Guerry qui lors estoit maintenu & n'auoit encores resigné, ce qui a causé ladite declaration.

Et quand il y auroit de la vaccance par ledit arrest en la personne dudit Iean (que non) ledit Iacques pourueu en cour de Rome avec la clause *alio quouis modo* deux ans auant ledit Maisondieu, ne feroit il pas pourueu, *hoc genere vacationis* qui comprend en soy la clause du deuolut iugée par lesdits arrests cōme resout l'Auteur des décisions de Roche in nouis sub tit. de rescrip decis. 1. Joint que lors de la resignation ledit I. Guerry n'auoit esté attaqué pour les causes contenues ausdits arrest.

Par ces moyens & autres amplement deduietz audit procès par ledit Pierre Guerry, il sera maintenu audict benefice (s'il plaist au Conseil.)

Monsieur de Remesfort Rapporteur.

